

REGIONAL NEWS UNIT  
ALL INDIA RADIO, AGARTALA  
Date: 14-04-2024  
Time: 07:55-08:05 PM Hrs  
BENGALI EVENING BULLETIN

---

---

Headlines :

- (১) সংবিধান প্রনেতা ড: বি. আর আশ্বেদকরের জন্মতিথি যথাযোগ্য মর্যাদায় রাজ্যেও পালিত হচ্ছে ।
- (২) বিজেপি আসন্ন লোকসভা নির্বাচন উপলক্ষে নির্বাচনী ইস্তেহার 'সংকল্পযাত্রা' প্রকাশ করেছে ।
- (৩) বরিষ্ঠ বিজেপি নেতা কেন্দ্রীয় স্বরাষ্ট্রমন্ত্রী অমিত শাহ দু'দিনের সফরে আজ রাজ্যে আসছেন ।
- (৪) গ্রীষ্মের তাপপ্রবাহের কারণে আসন্ন নির্বাচনে বিশেষ ব্যবস্থা নিতে নির্বাচন কমিশনের নির্দেশ ।

\*\*\*\*\*

**Ambedkar :**

সংবিধান প্রনেতা ড: বি.আর আশ্বেদকরের জন্মবার্ষিকীতে নান অনুষ্ঠানের মধ্য দিয়ে দেশ আজ তাঁর প্রতি শ্রদ্ধা জানাচ্ছে। রাষ্ট্রপতি দ্রৌপদী মুর্মু, উপরাষ্ট্রপতি জগদীপ ধনখড় এবং প্রধানমন্ত্রী নরেন্দ্র মোদী এই উপলক্ষে সংসদ চত্বরে অবস্থিত বাবা

সাহেবের মূর্মুর মূর্তিতে পুষ্পস্তবক অর্পণ করে তাঁর প্রতি শ্রদ্ধা নিবেদন করেন।

\*\*\*\*\*

**Ambedkar- Governor:**

সংবিধান প্রণেতা ভারতরত্ন ডঃ বি আর আম্বেদকরের জন্মজয়ন্তী উপলক্ষে রাজ্যপাল ইন্দ্রসেনা রেড্ডি নাল্লু আজ উজ্জয়ন্ত প্রাসাদ প্রাঙ্গণে প্রতিকৃতিতে পুষ্পার্ঘ্য অর্পণ করেন। রাজ্যপাল বলেন, দেশের বিভিন্ন ভাষাভাষী, জাতি-ধর্মের মানুষের কথা মাথায় রেখেই ড. আম্বেদকর এই সংবিধান রচনা করেছিলেন। সংবিধানের প্রতিটি কথা আজও সমান প্রাসঙ্গিক।

\*\*\*\*\*

**Ambedkar-BJP:**

প্রদেশ বিজেপির উদ্যোগে আজ কর্নেল মহিম ঠাকুর সরণি রোডে নির্বাচনী কার্যালয়ে ডঃ বি আর আম্বেদকরের জন্মদিন পালন করা হয়। এই উপলক্ষে আয়োজিত অনুষ্ঠানে আম্বেদকরের প্রতিকৃতিতে ফুলমালা দিয়ে শ্রদ্ধা নিবেদন করেন প্রদেশ বিজেপি সভাপতি রাজিব ভট্টাচার্য সহ অন্যান্যরা। পরে তার জীবন দর্শন নিয়ে আলোচনা করেন তিনি।

\*\*\*\*\*

**Congress Ambedkar:**

এদিকে, প্রদেশ কংগ্রেসের উদ্যোগে আজ সংবিধানের জনক এবং ভারতের প্রথম আইন ও বিচার মন্ত্রী বাবাসাহেব ডঃ ভীমরাও আম্বেদকরের জন্মবার্ষিকী উদযাপন করা হয়। প্রদেশ কংগ্রেস

ভবনে আয়োজিত এই অনুষ্ঠানে আশ্বেদকরের প্রতিকৃতিতে শ্রদ্ধা নিবেদন করেন প্রদেশ কংগ্রেস সভাপতি আশিস কুমার সাহা, বিধায়ক সুদীপ রায় বর্মণ সহ অন্যান্য কংগ্রেস নেতৃত্ব।

\*\*\*\*\*

#### **Ambedkar-Gomati :**

গোমতী জেলাতেও দেশের সংবিধান প্রণেতা ড: বি আর আশ্বেদকরের ১৩৪ তম জন্মদিন পালিত হয়। জেলার মূল অনুষ্ঠানটি হয় উদয়পুর আশ্বেদকর পার্কে ১ সেখানে আশ্বেদকরের প্রতিকৃতিতে মাল্যদান করেন গোমতী জেলার জেলাশাসকের পক্ষে ডিসিএম, উদয়পুর পুর পরিষদের সহ কার্য নির্বাহী অধিকারিক ও অন্যান্যরা ।

\*\*\*\*\*

#### **Ambedkar-Unakoti :**

সংবিধান প্রণেতা ভারতরত্ন ডক্টর বি,আর, আশ্বেদকরের জন্মদিন নানা কর্মসূচির মধ্য দিয়ে আজ ঊনকোটি জেলা সদর কৈলাশহরেও পালিত হয়।

এই উপলক্ষে বি,জে,পি'র s/c মোর্চার উদ্যোগে কৈলাশহরের দুর্গাপুরস্থিত ডক্টর আশ্বেদকরের মর্মর মূর্তিতে মাল্যদান ও পুষ্পার্ঘ্য অর্পণ করে শ্রদ্ধা নিবেদন করা হয়।

উপস্থিত ছিলেন, কৈলাশহর পুর পরিষদের চেয়ারপার্সন চপলা রাণী দেবরায়, বি,জে,পি'র মন্ডল সভাপতি সিদ্ধার্থ দত্ত, s/c মোর্চার মন্ডল সভাপতি অজিত মালাকার প্রমুখ।

এদিকে ত্রিপুরা তপশিলী জাতি সমন্বয় সমিতির উদ্যোগে স্থানীয় C.P.I (M) অফিস সংলগ্ন স্থানে আশ্বেদকর জন্মজয়ন্তী উপলক্ষে এক অনুষ্ঠানে বক্তব্য রাখেন, সংগঠনের মহকুমা সভাপতি শৈলেশ মালাকার।

\*\*\*\*\*

#### **Ambedkar-Tapashili:**

ত্রিপুরা তফসিলি জাতি সমন্বয় সমিতি উদ্যোগে আজ আগরতলা সিটি সেন্টারের সামনে ড: বি আর আশ্বেদকর এর জন্ম দিন উদযাপন করা হয়। এই উপলক্ষে আয়োজিত অনুষ্ঠানে ড: বি আর আশ্বেদকর এর প্রতিকৃতিতে পুষ্পার্ঘ্য অর্পণ করে শ্রদ্ধা জানান সিপিএম রাজ্য সম্পাদক জিতেন্দ্র চৌধুরী, ত্রিপুরা তপশিলি জাতি সমন্বয় সমিতির রাজ্য সম্পাদক সুধন দাস, সি আই টি ইউ রাজ্য সভাপতি মানিক দে প্রমুখ।

এছাড়া ইন্দ্রনগর আশ্বেদকর সেবা সংঘ এর উদ্যোগে আশ্বেদকর এর জন্মদিন উপলক্ষে আজ সকালে দুস্থদের মধ্যে বস্ত্র বিতরণ এবং আলোচনা সভার আয়োজন করা হয়।

\*\*\*\*\*

#### **Ambedkar-Bilonia:**

এদিকে, বিলোনীয়ায় আজ ড: বি আর আশ্বেদকরের ১৩৪ তম জন্মদিন পালিত হয়। অনুষ্ঠানে আশ্বেদকরের প্রতিকৃতিতে ফুলমালায় শ্রদ্ধা জ্ঞাপন করেন বিধায়ক দীপঙ্কর সেন, বিজয় তিলক, ভাগ্যধর মজুমদার প্রমুখ।

\*\*\*\*\*

## **BJP Manifesto:**

বিজেপি আসন্ন লোকসভা নির্বাচনকে সামনে রেখে আজ নির্বাচনী ইস্তেহার 'সংকল্পপত্র' প্রকাশ করেছে। এই 'সংকল্পপত্রে' অভিন্ন দেওয়ানী, বিধি এক জাতি এক নির্বাচন, সত্তরোর্ধ নাগরিকদের আয়ুত্থান প্রকল্পে অন্তর্ভুক্ত করার এবং যুবক-নারী-কৃষক ও দরিদ্র মানুষের উন্নয়নের প্রতিশ্রুতি দেওয়া হয়। বিজেপি'র এই ইস্তেহারে প্রধানমন্ত্রী গরীব কল্যাণ অন্ন যোজনা পরবর্তী পাঁচ বছরের জন্য বিনামূল্যে রেশন সরবরাহের প্রতিশ্রুতি দেওয়া হয়েছে। এছাড়া, গ্রামীণ মহিলাদের ক্ষমতায়নের মাধ্যমে তিন কোটি লাখপতি দিদির সৃষ্টি, প্রধানমন্ত্রী সূর্যঘর যোজনায় শূন্য বিদ্যুৎ বিল, দেশকে বিশ্বের তৃতীয় বৃহত্তম অর্থনীতিতে নিয়ে যাওয়া প্রভৃতির উল্লেখ রয়েছে এই 'সংকল্পপত্রে'।

নয়াদিহ্লীতে দলের সদর দপ্তরে এই উপলক্ষে আয়োজিত অনুষ্ঠানে উপস্থিত ছিলেন প্রধানমন্ত্রী নরেন্দ্র মোদি, বরিষ্ঠ বিজেপি নেতা রাজনাথ সিং, অমিত শাহ, জে. পি. নাড্ডা, নির্মলা সীতারামন এবং অন্যান্য নেতৃবর্গ।

\*\*\*\*\*

## **CM Biplab Deb Campaign:**

বাংলা নতুন বছরের প্রথম দিনে আজ পশ্চিম ত্রিপুরা লোকসভা আসনের বিজেপি মনোনীত প্রার্থী বিপ্লব কুমার দেব মজলিশপুর বিধানসভা কেন্দ্রের জিরানিয়া এবং মোহনপুরের বিভিন্ন এলাকায় প্রচারে অংশ গ্রহন করেন। সেখান প্রার্থীর সাথে ছিলেন বিজেপি দলের বরিষ্ঠ নেতা তথা মুখ্যমন্ত্রী অধ্যাপক ডাঃ মানিক সাহা এবং মন্ত্রী সুশান্ত চৌধুরী সহ স্থানীয় বিজেপি নেতৃত্ব।

\*\*\*\*\*

### **India Bloc:**

কংগ্রেস বিধায়ক সুদীপ রায় বর্মণ লোকসভা নির্বাচনে পূর্ব ত্রিপুরা উপজাতি সংরক্ষিত আসনের বিজেপি প্রার্থী কৃতি দেবী দেববর্মণ শিক্ষাগত যোগ্যতা, ভোটার তালিকায় লিপিবদ্ধ নাম এবং ব্যলট পেপারে ছাপা নাম নিয়ে অভিযোগ করে কমিশনের দৃষ্টি আকর্ষণ করেছেন। আজ আগরতলায় ইন্ডিয়া ব্লক আয়োজিত এক সাংবাদিক সম্মেলনে তিনি এই তথ্য জানান। সাংবাদিক সম্মেলন সিপিআইএম রাজ্য সম্পাদক জিতেন্দ্র চৌধুরী, প্রধানমন্ত্রী এবং স্বরাষ্ট্রমন্ত্রীর ত্রিপুরা সফরে মথার সঙ্গে কি চুক্তি হয়েছে সেটা জনগণের সামনে প্রকাশ করার জন্য তিনি দাবি জানান। সাংবাদিক সম্মেলনে ইন্ডিয়া জোটের আটটি দল দলের প্রতিনিধিরা উপস্থিত ছিলেন।

\*\*\*\*\*

### **Ratan Das complain-2:**

রামনগর বিধানসভা কেন্দ্রের উপনির্বাচনে সিপিআইএম প্রার্থী রতন দাস ভোটাধিকার প্রয়োগের সময় ভয়ভীতি প্রদান এবং প্রচার সজ্জা নস্ট করার অভিযোগ করেছেন। তিনি আজ সাংবাদিকদের বলেন, এ ব্যাপারে নির্বাচন কমিশনের কাছে যথাযথ ব্যবস্থা গ্রহণের আবেদন জানানো হয়েছে।

\*\*\*\*\*

### **Amit Saha:**

বিজেপি দলের বরিষ্ঠ নেতা তথা কেন্দ্রীয় স্বরাষ্ট্রমন্ত্রী অমিত শাহ আজ রাজ্যে আসছেন। রাতে আগরতলার একটি বেসরকারী হোটেলে দলীয় নেতৃত্বের সাথে বৈঠক করবেন তিনি। আগামীকাল কুমারঘাটের পূর্ত দপ্তর সংলগ্ন ময়দানে নির্বাচনী জনসভায় ভাষণ রাখবেন তিনি। সেখানে উপস্থিত থাকবেন মুখ্যমন্ত্রী অধ্যাপক ডাঃ মানিক সাহা সহ দলের অন্যান্য বরিষ্ঠ নেতৃবৃন্দ।

এদিকে, স্বরাষ্ট্রমন্ত্রী অমিত শাহের আগামীকাল মাতাবাড়ি ত্রিপুরা সুন্দরী মন্দিরে পূজা দেওয়ার কথা রয়েছে ৷ ইতিমধ্যে গোটা মন্দির চত্বরে ব্যাপক নিরাপত্তা ব্যবস্থা গ্রহণ করা হয়েছে ৷

নিরাপত্তা ব্যবস্থা খতিয়ে দেখেন গোমতী জেলার জেলাশাসক তড়িৎ কান্তি চাকমা ও জেলা পুলিশ সুপার নমিত পাঠক সহ উচ্চ পদস্থ অধিকারীকগণ।

\*\*\*\*\*

**ECI :**

গ্রীষ্মকালে স্বাভাবিকের চেয়ে বেশি তাপমাত্রা থাকার সতর্কতা জারি করেছে দেশের আবহাওয়া দপ্তর। জুন মাস পর্যন্ত এই দাবদাহ থাকবে। এই সময়েই সাধারণ নির্বাচনের পরিপ্রেক্ষিতে সব রাজ্য ও কেন্দ্রশাসিত অঞ্চলের মুখ্য নির্বাচনী আধিকারিকদের কাছে নির্দেশিকা পাঠিয়েছে ভারতের নির্বাচন কমিশন।

ভোট কেন্দ্রগুলোতে তাপপ্রবাহ মোকাবিলায় প্রয়োজনীয় সুবিধা ও পরিকাঠামো রাখার নির্দেশ দেওয়া হয়েছে। জাতীয় বিপর্যয় মোকাবিলা কর্তৃপক্ষের পক্ষ থেকে তাপপ্রবাহ মোকাবিলায় কি করণীয় এবং কি করা উচিত নয়, সেই বিষয়গুলিও উল্লেখ করা

হয়েছে। ভোটদাতা এবং ভোটকর্মী সবার জন্যই এই নির্দেশিকা জারি হয়েছে।

কমিশনের নির্দেশিকায় বলা হয়েছে, বয়স্ক ও দিব্যাঙ্গ ব্যক্তিদের সুবিধার জন্য ভোট কেন্দ্রগুলি একতলাতেই থাকবে। নির্দেশিকায় বলা হয়েছে, ভোটদাতাদের অপেক্ষা করার জন্য অন্তত ১৫ ফুটের শামিয়ানা টাঙ্গাতে হবে। প্রাথমিক চিকিৎসার বাক্স তথা ফার্স্ট এইড বক্স রাখতে হবে। সঙ্গে ওআরএস বা খাবার সেলাইনও থাকবে। ভোট গ্রহণ কেন্দ্রে তিনটি সারি থাকবে। একটি পুরুষদের জন্য, একটি মহিলাদের জন্য এবং অপরটি প্রবীণ নাগরিক ও দিব্যাঙ্গদের জন্য। দিব্যাঙ্গরা লাইনে দাঁড়ানো ছাড়াই সরাসরি ভোট দিতে পারবেন। একইসঙ্গে গর্ভবতী মহিলা এবং কোলে শিশু থাকা মহিলাদের ক্ষেত্রেও এই অগ্রাধিকার থাকবে।

\*\*\*\*\*

#### **BANGLA NAVABARSHA :**

আজ থেকে শুরু হয়েছে নতুন বছর ১৪৩১ বঙ্গাব্দ । রাজ্যেও চিরাচরিত প্রথায় নতুন বছরকে স্বাগত জানানো হচ্ছে । এই উপলক্ষে রাজধানী আগরতলাতে বিভিন্ন সংস্থার পক্ষ থেকে বর্ষ বরন অনুষ্ঠানের আয়োজন করা হয়েছে । রাজধানীর মেলারমাঠে এগিয়েচলো সঙেঘর ময়দানে আজ সন্ধ্যায় কাব্যলোক সাংস্কৃতিক সংস্থার উদ্যোগে বর্ষবরন উপলক্ষে সাংস্কৃতিক অনুষ্ঠানের আয়োজন করা হয়েছে । বরদোয়ালির মৌচাক ক্লাবের ময়দানে আশা সঙ্গীত কলা কেন্দ্রের উদ্যোগেও বর্ষবরন অনুষ্ঠানের আয়োজন করা হয় । বেসরকারী একটি স্বাস্থ্য পরিষেবা সেন্টারের



উদ্যোগে আগরতলার রবীন্দ্র শতবার্ষিকী ভবন প্রাঙ্গনে বর্ষবরন উপলক্ষে সাংস্কৃতিক অনুষ্ঠানের আয়োজন করা হয়েছে।

\*\*\*\*\*

#### **Basanti Puja:**

পাঁচদিনব্যাপী বাসন্তী পূজা আজ থেকে শুরু হয়েছে। ষষ্ঠী পূজার মধ্য দিয়ে রাজ্যের নানাস্থানে আজ এই উৎসবের সূচনা হলো। আগরতলার দুর্গাবাড়ি সহ বিভিন্ন সামাজিক সংস্থা ও বাড়িঘরেও এই পূজা অনুষ্ঠিত হচ্ছে।

\*\*\*\*\*

#### **Rabindra prishod:**

ত্রিপুরা রবীন্দ্র পরিষদ এর উদ্যোগে আয়োজিত বর্ষবরণ অনুষ্ঠানে আজ রাজ্যের তিন বিশিষ্ট ব্যক্তিত্বকে সম্মাননা প্রদান করা হয়েছে। বরিষ্ঠ সাংবাদিক সমীরণ রায়, বিশিষ্ট শিক্ষাবিদ নিভা দেববর্মা এবং বিশিষ্ট আইনজীবী কল্যাণ নারায়ণ ভট্টাচার্যকে সম্মাননা প্রদান করা হয়। পরিষদের উদ্দিচি হলে বিভিন্ন কর্মসূচির মধ্য দিয়ে বর্ষবরণ অনুষ্ঠান করা হয়। অনুষ্ঠানে পৌরহিত্য করেন নবীন কবি রাহুল শীল।

\*\*\*\*\*

#### **Preparations of Police Administration- Unakoti:**

আসন্ন অষ্টাদশ লোকসভা নির্বাচনকে সামনে রেখে উনকোটি জেলাতে শান্তি ও সুস্থিতি বজায় রাখতে পুলিশ প্রশাসন থেকে যথাযথ উদ্যোগ নেওয়া হয়েছে।

জেলার অতিরিক্ত পুলিশ সুপার ভি, দারলং জানান, এখন পর্যন্ত পাঁচ কোম্পানি কেন্দ্রীয় সশস্ত্রবাহিনী উনকোটি জেলাতে এসেছে। সংগে এসেছে অতিরিক্ত তিন কোম্পানি টি,এস,আর । জেলাতে আরো কয়েক কোম্পানি কেন্দ্রীয় বাহিনী আসবে বলে তিনি জানান।

জেলায় ২৬ জন পুলিশ সেক্টর অফিসার নিযুক্ত করা হয়েছে বলে তিনি জানিয়েছেন।

\*\*\*\*\*

#### **National Fire Services Day:**

উনকোটি জেলা সদর কৈলাশহরে আজ পালিত হয় জাতীয় অগ্নিনির্বাপন সেবা দিবস।

এই উপলক্ষে আজ সকালে কৈলাশহরের অগ্নি ও জরুরি পরিসেবা স্টেশনে আয়োজিত এক অনুষ্ঠানে আগুন নেভাতে গিয়ে নিহত সাহসী অগ্নিনির্বাপকদের স্মৃতির প্রতি শ্রদ্ধা জানিয়ে দু'মিনিট নীরবতা পালন করা হয়।

এদিকে আজ থেকে আগামী কুড়ি এপ্রিল পর্যন্ত "অগ্নি প্রতিরোধ সপ্তাহ" পালন করা হবে। এবছর সপ্তাহটির ভাবনা --- " অগ্নি নিরাপত্তা নিশ্চিত করুন, জাতি গঠনে অবদান রাখুন।"

কৈলাশহর অগ্নি ও জরুরি পরিসেবা বিভাগের ভারপ্রাপ্ত আধিকারিক বিজন গোস্বামী জানান, সপ্তাহটি পালন উপলক্ষে বাইক রেলি, বসে আঁকো, সতর্কতামূলক মহড়া প্রদর্শন ও জনসচেতনতামূলক নানা কর্মসূচির আয়োজন করা হয়েছে।

\*\*\*\*\*

## **Suspension :**

আইজিএম হাসপাতালে কর্মরত ফার্মাসিস্ট প্রদীপ কুমার ঘোষকে নির্বাচনী আদর্শ আচরণবিধি লঙ্ঘন করার অভিযোগে চাকরি থেকে সাময়িক বরখাস্ত করা হয়েছে। ৮ টাউন বরদোয়ালি বিধানসভা কেন্দ্রের অ্যাসিস্ট্যান্ট রিটার্নিং অফিসারের তদন্তে তার বিরুদ্ধে একটি বিশেষ রাজনৈতিক দলের নির্বাচনী প্রচারে অংশগ্রহণের মাধ্যমে নির্বাচনী আদর্শ আচরণবিধি ভঙ্গের অভিযোগ প্রমাণিত হয়।

এদিকে, নির্বাচনী আদর্শ আচরণ বিধি লঙ্ঘন করার অভিযোগে মোহনপুর ইংরেজি মাধ্যম স্কুলের প্রধান শিক্ষক রতন চন্দ্র দেবকে চাকরি থেকে সাময়িক বরখাস্ত করা হয়। তার বিরুদ্ধেও অভিযোগ প্রমাণিত হয়েছে বলে রাজ্য নির্বাচন দপ্তর থেকে গতকাল জানানো হয়।

\*\*\*\*\*

## **Weather :**

আগামীকাল আকাশ আংশিক মেঘাচ্ছন্ন থাকবে। দুয়েক জায়গায় বজ্র বিদ্যুত সহ হালকা থেকে মাঝারি পর্যায়ে বৃষ্টি পাতের সম্ভাবনা রয়েছে। তাপমাত্রা সর্বোচ্চ সাঁইত্রিশ ডিগ্রি এবং সর্বনিম্ন পঁচিশ ডিগ্রী সেলসিয়াস এর কাছাকাছি থাকবে। আজ দিনের সর্বোচ্চ তাপমাত্রা ছিল সাঁইত্রিশ দশমিক দুই ডিগ্রি সেলসিয়াস। আগামী চব্বিশ ঘণ্টায় রাজ্যের সব জেলায় বিক্ষিপ্ত ভাবে বজ্র বিদ্যুত সহ বৃষ্টি পাতের সতর্কতা জারি করেছে আবহাওয়া দপ্তর।

\*\*\*\*\*

\*\*\*\*\*

